



Na osnovu člana 56. i člana 68. stav (4) Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05), te Naredbe Kriznog štaba Unsko-sanskog kantona za provođenje mjera pojačanog epidemiološkog nadzora od 12.03.2020. godine, zbog preventivnog djelovanja i sprječavanja širenja zaraznih oboljenja, ministar Ministarstva obrazovanja, nauke, kulture i sporta, d o n o s i:

N A R E D B U

Član 1.

Ovom Naredbom se svim javnim ustanovama, sportskim savezima, organizacijama, klubovima i udruženjima iz oblasti kulture i sporta koje djeluju na području Unsko-sanskog kantona, nalaže obavezno odlaganje svih kulturnih i sportskih manifestacija i takmičenja u periodu od 13.03.2020. godine do 30.03.2020. godine.

Član 2.

U navedenom periodu se zabranjuju sva okupljanja u zatvorenim i otvorenim prostorima u kojima se održavaju kulturne i sportske akcije, manifestacije i takmičenja.

Član 3.

Rukovodioci javnih ustanova u oblasti kulture i sporta su u obavezi organizirati rad minimalnog broja uposlenika radi održavanja higijene i funkcije objekata.

Član 4.

Za sprovođenje ove naredbe su odgovorni rukovodioci ustanova, predsjednici sportskih saveza i klubova, organizacija i udruženja u navedenim oblastima a inspeksijski nadzor nad sprovođenjem ove naredbe će obavljati Kantonalna uprava za inspeksijske poslove.

Član 5.

Ova Naredba stupa na snagu danom donošenja i objavit će se u „Službenom glasniku Unsko-sanskog kantona“.

